



浙江方輿紀要序

浙江之形勢盡在江淮江淮不立浙江未可一日保也
曰越不嘗以此亡吳乎夫越之與吳抗也越實不足以
敵吳而吳恒有吞越之志夫差敗越于夫椒棲越于會
稽當是時固已無越矣而吳不取乃從而受越之愚越
自知其不能報吳也與種蠡諸臣積謀蓄力數十年而
後發之一旦使吳不虛竭其國疲弊其民殺其謀臣以
資越越未可以得志也越既滅吳而江淮之地坐收之
矣而越不能有也楚人從而奄有之蓋越之亡卽肇于
亡吳之日矣君子觀楚人有江淮而早知滅越者必楚

也後代李子通竊餘杭而亡于江淮之杜伏威明太祖
定金陵收江北然後從而覆僞吳亦其大較矣曰吳越
不嘗以此立國乎夫吳越之立國也陰結與國厚賂中
朝恃爲形援而淮南以上游之力若不難翦此而後朝
食吳越之敵國外患莫甚于淮南故其君皆勉強自立
亦兼有將帥之材僅保其境內而不授敵人以隙然江
淮雖與吳越爲仇而吳越實藉江淮之衛吳越助中朝
以攻南唐唇齒之慮宜無待李氏之昌言也處觸藩之
會旣不敢以背中朝力又不足以存李氏及李氏亡而
惕然有孤立之懼矣籍地來朝不可緩矣是江淮之存

亡卽爲吳越之存亡也宋之都臨安也亦然渡江之初
奔亡倉卒江淮之藩籬未遑立也元术提兵躡江東陷
建康自廣德直趨臨安進陷明越窮追海澨錢唐之波
濤曾不能濡戎馬之足矣嗣是諸將力戰于江上于兩
淮又遠而爭襄漢爭川陝然後藩籬益固而臨安可都
矣迨其後也蒙古擾兩淮傾襄樊伯顏長驅入建康而
江淮之險盡入于敵伯顏自建康分兵三道直指臨安
壓卵之勢已成雖有智者不能爲宋謀也猶謂浙江之
命非江淮制之也乎然則浙江無當于得失之數乎曰
奚爲其然也夫浙江者南臨閩粵北輔金陵東禦島夷

西走饒歙魚鹽粟帛財賦所資也其民習波濤善弓弩甲兵亦可用也但以僻在東陲湖山間阻以此爭雄天下勢有所難逮耳蓋嘗取浙江而籌之夫浙江在漢不及一郡之地東漢永建四年議者以會稽一郡周圍萬一千里山川險阻控馭爲難因分浙江以東爲會稽郡地而西則爲吳郡孫氏分割以後建置始多大約兩浙之壤北盡江濱南極甌閩唐乾元初置浙江西節度使領昇潤宣歙饒江蘇常杭湖十州浙江東節度使領睦衢婺台明處溫八州其浙西之地益推而廣之矣後又以浙西爲鎮海軍領潤州及蘇常杭湖睦其六州浙

東爲鍾東軍領越州及台明溫處婺衢共七州後之言
兩浙者皆以是爲據錢鏐兼領鎮海鎮東兩軍而移鎮
海于杭州不能有常潤也蓋已非兩浙之舊壤矣然而
有吳郡則猶以江爲境也今之建置并不遠吳越之疆
矣如是而欲爭雄天下不誠難哉雖然時會何常且用
兵之道亦在奇變而已夫浙江者震澤枕其北大海巨
其東此奇變之資也吾用正兵以指平江敵不慮我之
越海而來渡湖而至也則吾之計得矣何也自錢塘而
放乎大海乘風破浪左江右淮因利乘便出入縱橫敵
必不知其所備也錢鏐討薛朗于潤州欲自定山下海

門董搏霄自德清進擊項普畧于杭州曰吾若退保湖州使賊得乘銳趨京口則江南不可爲矣夫杭州至京口未易信宿達也由海道而前則一帆可至耳震澤與蘇常接壤春秋時吳越已從而爭之六朝都建康以義興爲重地東方有變必爭義興以其扼震澤之口也淮南南唐與吳越相持湖濱烽火星羅棋布明初亦自宜興出太湖襲敵之湖州蓋太湖在諸郡肘腋間與敵共險先乘者勝矣且自宜興以西道溧陽越東壩可直抵金陵也夫以東南而問中原則不能無事于江淮以浙江而問江淮則不能無事于湖海此必然之勢也若自

安而出廣德由廣德而上東壩亦出奇者必爭之道而勢少力孤或未可遽達若東西齊舉水陸相因奇正相輔則偏師宜出其間矣淮南獨用之以攻吳越而卒無功金人蒙古用之兩陷臨安一則無備之國當方張之寇一則分道並進氣盛力強也至于仙霞入閩良爲要途然漢伐閩粵由會稽海道而進吳越取福州自溫州越海而南元人入閩多自明州濟師明初平閩寇一自江西出杉關一自明州泛海竟掩福州實未嘗由仙霞也夫用間道者多奇功自昔然矣噫此亦就浙江言之耳有提衡六合之規者居上游而運中原浙江以南

皆將傳檄而下望風而附如吳越已事正不必切切于
浙江也或曰明太祖何以先圖兩浙乎曰明太祖實起
于東南卧榻之旁皆戎首焉自不得不先爲苞桑之計
矣夫運量天下豈惟一途而子猶有刻舟膠柱之心哉

讀史方輿紀要卷八十九

崑山顧祖禹景范輯著
南昌彭元瑞芸楮核定

錦里龍萬有燮堂校刊

浙江一

禹貢曰揚州周職方亦曰東南惟揚州許見春秋為吳

越二國地

杜佑曰吳越分界處在嘉興之語見溪

後并于越戰國時屬楚

周顯王四十六年楚威王伐越破

其在天文亦斗分野

也秦并天下屬會稽郡漢武置十三州此亦為揚州地

後漢因之三國時為吳地晉亦屬揚州宋孝建初分浙

江東為東揚州

領會稽東陽新安永嘉臨海五郡

尋復入于揚州

通典

置東揚州旋罷揚州稱為王畿梁陳時亦分置焉隋大

而東揚州直云揚州既而復故

讀史方輿

卷八十九

浙江一

文

業初置十三州此仍爲揚州地後爲沈法興李子通等
所據唐分十道此爲江南道開元中隸江南東道五代
時屬于吳越宋初爲兩浙路後分浙東西爲兩路熙寧中分
合不一南渡後始定爲二路
浙西治臨安浙東治紹興元置江浙等處行中書省
至元十三年亡宋立兩浙都督府于杭州二十後爲方
一年自揚州遷江淮行省治此改曰江浙行省
國珍張士誠等所據明初平之洪武九年置江浙等處
承宣布政使司領府十一屬州一屬縣七十五總爲里萬八
百九十九夏秋二稅大約二百五十而衛所叅列其中今
十二萬二千八百二十七石有奇
仍爲浙江布政使司

杭州府

屬縣九

錢塘縣

附郭

仁和縣

附郭

海寧縣

富陽縣

餘杭縣

臨安縣

於潛縣

新城縣

昌化縣

嚴州府

屬縣六

建德縣

附郭

桐廬縣

淳安縣

遂安縣

壽昌縣

分水縣

嘉興府

屬縣七

嘉興縣

附郭

秀水縣

嘉善縣

崇德縣

桐鄉縣

平湖縣

海鹽縣

海寧衛設浦乍浦二所附見

紀要

湖州府

屬州一

縣六

烏程縣

附郭

歸安縣

附郭

長興縣

德清縣

武康縣

安吉州

孝豐縣

紹興府

屬縣八

山陰縣

附郭

會稽縣

附郭

蕭山縣

諸暨縣

餘姚縣

上虞縣

嵊縣

新昌縣

紹興衛三江所又臨川衛瀝海三山所附見

寧波府

屬縣五

鄞縣附郭慈谿縣

奉化縣

定海縣

象山縣

寧波定海衛穿山舟山鄞衢大嵩等所又觀海衛龍

山所又昌國衛石浦錢倉爵溪等所附見

台州府

屬縣六

臨海縣

附郭

黃巖縣

天台縣

仙居縣

寧海縣

太平縣

台州海門衛前所新河桃

渚健跳等所又松門衛隘頭楚門等所附見

金華府

屬縣八

金華縣

附郭

蘭谿縣

東陽縣

義烏縣

永康縣

武義縣

浦江縣

湯溪縣

衢州府屬縣五

西安縣附郭

龍游縣

常山縣

江山縣

開化縣

處州府屬縣十

麗水縣附郭

青田縣

縉雲縣

松陽縣

遂昌縣

龍泉縣

慶元縣

雲和縣

宣平縣

景寧縣

澧州府屬縣五

永嘉縣

附郭

瑞安縣

樂清縣

平陽縣

泰順縣

溫州衛平陽瑞安海安三所又金鄉衛蒲門北土沙

園所又盤石衛蒲岐寧材所附見

東瀕海

嘉興以北接蘇州洋溫州以南接福州洋而寧台爲
瀕海之極衝紹興次之杭又次之東面之防以海爲

亟

南極間

衢處溫三府皆與閩接界而溫以平陽泰順爲藩籬
處則慶元龍泉爲門戶衢州府江山縣之仙霞嶺則

南北往來之喉隘也

西接重山

衢州以西接江右之廣信嚴州以西接江南之徽州
湖州安吉以西與廣德爲唇齒其間山谿盤錯間道
所由非一途矣

北限五湖

太湖當湖州之北嘉興府之西北東出者爲吳淞江
又嘉興蘇松接壤處也

其名山則有會稽

會稽山在紹興府東南十二里禹東巡狩至于會稽